

OHUIYOTL MONEMIS TLALIXTEPEHUA

¿Tlen tikchiuaske ijkon amitla topan mochiuas?



Nochi tlen uel kichiuas maj tlalxitini

In tlen uelis topan mochiuas in tlaa TEPENAKASTLA timochantijtoke. Ueytepetla, tepeyakatla, atlaujtla uan tepetontli nochi mopoua keme 47% iixkotsin totlalnantsin, uan 17% inacastla inon tepetla uelis tlaxitinis

Ipan se tepenacastla uelis tlalxitinis ijkuak...

- ▶ Teyini in tlali ipampa tlakiauhtok noso tlalijtik atoyau in kuitlaatl, niman motsetseloua in tlali ipampa tlonilistli noso ipampa se ueytekitl
- ▶ Tikalchijchiujtokej miyak
- ▶ Kuautejteko, kuautsontekopinalo
- ▶ Tlalijtik kamaui ipampa onka kuitlakali uan atlakomoli
- ▶ Amo tikmatin kenin tiktekiske in tepetl noso titlaltatakaske ipampa se ueytekitl

¡Nochipa xitlajtlachiya! Uelis tlalxitinis in tlaa...

- ▶ Onka aktiueksilistli noso tlatlapani tepenakastla
- ▶ Meua in tlali noso moijtlakoua kalsintla uan amo uel mokaltsakuas
- ▶ Tlatlapantok itepetlapan in ojtli
- ▶ Sekin kuauhtl uan tepamitl mopechteka noso mokoloua
- ▶ Tepamitl noso tenamitl moijtlakouhtok noso tlatlapantok
- ▶ Onka tlalolinistli maske san tepitsin

- ▶ In achto, xikixmati kanin timochantijtok uan xiktlakamati imintlajtol totlanauatijkauan
- ▶ Xiktlakamati nochi tlaman tlanauatili itechpa kalchialistli
- ▶ Xikita nochi mokal kox amo tlatlapani noso moijtlakoua mokalkuapan, mokaltepanko noso mokaltsintla
- ▶ Amo xikuautsontekopina, amo xikuautejteki
- ▶ Amo xikauili maj tlalijtik atoyau ipampa uelis teyinis in tlali
- ▶ Xikita kox sekin kuaumej mopechteka noso uetsisneki
- ▶ Xikinnauati totlanauatijkauan in tlaa tikitas sekin nekuejmolol noso sekin netekipacholistli itechpa tlalxitinistli

¡Monemilis uan iminnemilis mochankauan nel motelneki!

Xiktemo ok achi tenauatili

Centro Nacional de
Prevención de Desastres
www.gob.mx/cenapred

Fuente:
Centro Nacional de Prevención de Desastres

Lengua indígena nacional: **Náhuatl**.
Autodenominación de la variante lingüística:
Mexicano de Guerrero. Lugar: Atlixnac.
Traductores: Fausto Aguilar Domínguez y Javier
Galicia Silva



GOBIERNO DE
MÉXICO

SEGURIDAD
SECRETARÍA DE SEGURIDAD
Y PROTECCIÓN CIUDADANA



CNPC
COORDINACIÓN NACIONAL
DE PROTECCIÓN CIVIL



CENAPRED
CENTRO NACIONAL DE PREVENCIÓN
DE DESASTRES

Nochi tlen uel kichiuas maj tlalxitini



Nochi tlen moneki tikchiuaske ijkon amo tlalxitinis in tepenakastla

Nikan, tepenakastla amo san kijtosneki inakastla se ueytepetl, yesej noijki mopouas inakastla san tlen tepetl uan atlaujtla.

Tepenakastla uelis tlalxitinis ipampa se noso miyak tlamantli keme ye otikijtojke nikan itechkopa se neskayotl, xikixmati ijkon tikmatis tlen tikchiuas.

¿Kenin uelis moolinis se tepenakastla ijkuak tlalxitinis?

Uelis **tlaluetsis** noso **tlalxitinis** ijkuak chikauak moolinis in tlali ika tetl tlen tepekuapan peua uetsis uan chikaujkatika mimilos noso motlalos, uan amitla uelis kitsakuilis iojui.

Uelis **mopetskos** noso **yolik moolinis** in tlali itechkopa iixko se noso miyak tlalpechtli. Kemaniyan noijki uelis teyinis noso moyektlalis inon tlali in achto moolinis. Melauak temaujtik inon tlaman tlalonilistli ipampa nochi uelis kixpolos.

Uelis **moolinis** inon tlali, uelis isel moolinis noso ika tetl tlen mimilos uan tepetsintla ajsis, noijki uelis tlalpechijtik moolinis. Inon uelis mochiuas ijkuak chikauak tlakiauis, yejika in tlali uan tetl tlen uetsis nel temaujtik ipampa isiujka motlaloua uan ipan ajsitiuetsi in atlaujtla, ixtlauakan noso milpan, noijki nochi uelis kiixpolos.

¿Tlen uelis nikchiuas ijkon amo moiitlakouas in tepetsintla uan amo xitinis?

1.- Amo xikuauntsontekopina nion iujmaateka.

2.- Xikmokuitleui nochi tepetla uan xiktlakamati itlanauatil in kuautla, in tepetla.

3.- Amo xitlaltataka in tepetsintla.

4.- Xikintlajtlani itekitijkauan momunicipio maj mitspaleuikan in tlaa motech monekis titlaltatakas ipampa mochiuas se ueytekitl ipan tepetsintla.

5.- Amo xikauili tepeijtik atoyauis in kuitlaatl ipampa uelis kamauis uan xitinis in tlali. In tlaa tikitas tepenakastla ameya, san nimantsin xikinnauati totlanauatijkauan uan maj isiujka kichijchiukan in apantli ijkon ayokmo akisas.

6.- Xikixmati uan xiktlakamati imintenuatil itekitijkauan moaltepetsin, ok achi ximomokuitlaui ipan xopantla ijkuak chikauak tlakiaui. Ika iminnepaleuil motlanauatijkauan xitlajtlachiyakan uan xiktemokan itlaj tlen uelis kichiuas se tlalxitinilistli.

7.- Nochipa xikijita nochi mokal, xikita mokaltepanko, mokaltsintla uan mokalkuapan, xikita kox amo moiitlakoujtok, kox amo aktiuetsis noso tlatlapanis. In tlaa tikitas se netekipacholis noso se nekuejmolol san nimantsin xikinnauati motlanauatijkauan.

8.- Noijki xikijita kox amo uetsisneki noso mokoloujtok sekin kuauitl.

9.- In achto tikchiuas se ueytekitl, in achto titlaltatakas noso tikalchiuas, maj xikinnauati uan xikintlajtlani motlanauatijkauan itechpa inon tlaman tekitl.

10.- In tlaa tikitas ye tlatlapantok itlalixko in tepenakastla in kanin timochantia, san nimantsin xikinnauati itlanauatijkauan moaltepetsin.

Xitechnauati se nekuejmolol ipan 911

Xiktemo ok achi tenauatili:

www.gob.mx/cenapred